



ՄԱՇՏՈՑԻ ԱՐՁԱԳԱՆԳ

Հայաստանեայց Առաքելական Սուրբ Յակոբ Մայր Եկեղեցույ
Կիրակնօրեայ դպրոցի Ամսաթերթ



ԺԱ. ՏԱՐԻ ԹԻԻ 7

Մարտ 2004

Կիր.	Բ2.	Գ2.	Դ2.	Ե2.	Ուր.	Շաբ.
	1	2	3	4	5	6
7	8	9	10	11	12	13
14	15	16	17	18	19	20
21	22	23	24	25	26	27
28	29	30	31			

7	Մեծ պահքի երրորդ Կիրակի, Անառակին
13	Յիշատակ սուրբ Յովհաննու Երուսաղէմի հայրապետին, Յովհաննու Օձնեցիի, Յովհաննու Որոտնեցիի եւ Գրիգոր Տաթեւացիի
14	Տնտեսին
17	Միջինք
20	Քառասուն մանկանց տօն
21	Դատարին
27	Գրիգոր Լուսաւորչի Մուտն ի Վիրապ
28	Գալստեան

Մի՛ ընէք ռելէ բան որ
հակառակասիրութենէ կամ
փառասիրութենէ մղուած ըլլայ.
այլ՝ խոնարհ ոգիով՝ ձեր ընկերները
աւելի լաւ համարեցէք քան դուք
ձեզ: Միայն դուք ձեզ մի՛
մտածէք, այլ նաեւ՝ ձեր ընկերոջ
մասին:

Փիլիպպեցիներուն 2

Հաւատով Խոստովանիմ

Մարտ ամսուան ընթացքին կը շարունակուի անցեալ ամսուան 23րդ օրը սկիզբ առած Մեծ Պահքը: Համեստութեամբ եւ հիացումով կ'արդարադառնանք բոլոր Պահք բռնող հաւատացեալներուն մասին եւ կը մաղթենք որ Աստուած անոնց կամքին համեմատ ոյժ եւ տոկունութիւն ընծայէ բոլորելու համար այս կամաւոր զրկանքի շրջանը եւ մանաւանդ շնորհիւ մարմնական զրկանքներու ընդմէջէն փնտռուած հոգեւոր նորոգութիւնն ու զօրացումը:

Կիրակնօրեայ դպրոցէն ներս, հաւատարիմ մեր սովորութեան, այս տարի եւս մեր աշակերտներուն կ'առաջարկենք «մանկապատանեկան» պահք բռնել: Ինչպէս անցեալ տարիներուն, այս տարի եւս հերթաբար ամէն շաբաթ կը խուսափինք ժամանակաւոր ձեռով որոշ հանդիպելէ, ինչպէս տուրմ ուտելէ, կազային խմիչքներ խմելէ կամ համակարգիչ գործածելէ:

Այս կամաւոր փոքրիկ զրկանքներուն կ'աւելցնենք Մեծ Պահքի ընթացքին հոգեւոր նորոգութիւն ապահովելու հրամայականը: Այս տարի մեր աշակերտներէն տարբեր խումբեր իւրաքանչիւր Չորեքշաբթի հսկումի արարողութեան ընթացքին գոց կ'արտասանեն կամ կը կարդան «Հաւատով Խոստովանիմ»-էն համարներ: Տարիքով փոքրերը՝ որոնք տակաւին կարդալ չեն գիտեր, ստիպուած, գոց կը սորվին իրենց արտասանելիք հատուածները ու այդպէս կը գրեն «Հաւատով Խոստովանիմ»ը իրենց մտքերուն եւ սրտերուն մէջ: Իբր Կիրակնօրեայ դպրոց կը հաւատանք որ մեր աշակերտներուն սրտերուն մէջ քանդակուած «Հաւատով Խոստովանիմ»ը եւ Պահք բռնելու սովորութիւնը պիտի օգնէ իրենց ըլլալու հաւատարիմ Աստուծոյ եւ Հայաստանեայց Եկեղեցույ իրենց կեանքին ընթացքին:

Քրիստոսի խոնարհությունը մեզի օրինակ

Փիլիպպեցիներուն 2.1-5

Արդ, եթե երբեք Քրիստոսի միացած ըլլալը միտարարութիւն է, եթե իր սէրը կը սփռուի, եթե Սուրբ Հոգին մարդիկը իրարու հաղորդակից կ'ընէ՝ զանոնք իրարու հանդէպ գթած ու ողորմած դարձնելով, ուրախութիւնս կատարեալ ըրէք՝ միաբանելով, նոյն սէրը ունենալով իրարու հանդէպ, եւ համերաշխ ու համախորհուրդ ըլլալով: Մի՛ ընէք ոեւէ բան որ հակառակասիրութենէ կամ փառասիրութենէ մղուած ըլլայ. այլ՝ խոնարհ ոգիով՝ ձեր ընկերները աւելի լաւ համարեցէք քան դուք ձեզ: Միայն դուք ձեզ մի՛ մտածէք, այլ նաեւ՝ ձեր ընկերոջ մասին:

Ուսուցում ծոմապահութեան մասին

Մատթէոս 6.16-18

- Երբ ծոմ կը պահէք, տրտումներես մի՛ ըլլաք կեղծաւորներուն նման, որոնք իրենց երեսը կը կախեն, որպէսզի մարդոց ցոյց տան թէ ծոմ կը պահեն: Վստահ եղէք, միայն ատիկա է անոնց վարձատրութիւնը: Ընդհակառակը, երբ դուն ծոմ կը պահես, օձէ՛ գլուխդ եւ լուս՝ երեսդ, որպէսզի մարդիկ չտեսնեն թէ ծոմ կը պահես, այլ՝ միայն Հայրը, որ անտեսանելի է. եւ Հայրդ, որ կը տեսնէ կատարածդ, քեզ պիտի վարձատրէ յայտնապէս:

Բովանդակութիւն

- խմբագրական գալիք
- Քրիստոսի խոնարհութիւնը մեզի օրինակ
- Ուսուցում ծոմապահութեան մասին
- Մեծ պահքի կիրակիներ
- Սուրբ Գրիգոր Լուսաւորչի մուտքը խոր վիրապ
- Նահատակութիւն քառասուն մանուկներու
- Մեծ պահքը երբեակ իմաստով Պարզ խօսքեր՝ պարզ հոգիներու համար Գարեգին Ա. Ամենայն Հայոց Կաթողիկոս
- Խաչբառ
- Նկարագիր- Արիութիւն
- Ընտանիքի մը համերաշխութեան եւ միաբանութեան ոյժը
- Չարչարանքներու մէջ հաւատքի զօրութիւն եւ համբերութիւն խնդրելու աղօթք
- Փետրուար ամսուան պատասխաններ եւ մասնակցողներ
- Ո՞րն է ճիշդ պատասխանը
- Կարճ լուրեր կիրակնօրեայէն

Մեծ Պահքի Կիրակիները

Մեծ Պահքը ունի 7 կիրակիներ, «Առաջին Կիրակին Բուն Բարեկենդ հաշուելով որուն յաջորդ օրը Մեծ Պահքը կը սկսի» որոնք յատուկ եւ իմաստալից անուններ ունին. ահա անոնցմէ երրորդը որ կը զուգադիպի 7 Մարտին.-

Անառակ կիրակի

Մեծ Պահքի երրորդ կիրակին այս անունը կը կրէ, որովհետեւ նոյն օրուան Աւետարանին կը կարդացուի Ղուկասի 15-րդ գլուխը, ուր կը գտնուին հարիւր ոչխարներուն եւ տասը դրամին եւ անառակ որդիին առակները:

Անառակ որդիին առակը

Մարդ մը երկու զաւակ ունէր: Կրտսերը հօրը ըսաւ.

- «Հայր, քու ստացուածքէդ ինծի ինկած բաժինը հիմա՛ տուր ինծի»: Եւ հայրը իր զաւակներուն միջեւ բաժնեց իր ունեցածը: Քանի մը օր ետք, կրտսեր զաւակը առաւ իր ամբողջ հարստութիւնը եւ հեռու երկիր մը գնաց: Հոն անառակ կեանք մը ապրելով՝ մսխեց հարստութիւնը եւ սպառեց իր ամբողջ ունեցածը:

Պատահեցաւ որ այդ երկրին մէջ մեծ սով մը տիրեց, երբ արդէն ինք սկսած էր աղքատանալ: Ուստի գնաց այդ երկրի քաղաքացիներէն մէկուն քով ծառայ եղաւ եւ անիկա իր ագարակը դրկեց զինք՝ խոզ արածելու համար: Նոյնիսկ պատրաստ էր խոզերուն կերած եղջիրներէն իր փորը լեցնելու, սակայն ոչ ոք կու տար իրեն: «Հօրս տան մէջ քանի՛ գործաւորներ կան, որոնք իրենց պէտք եղած կերակուրէն աւելին ունին, մինչ ես հոս անօթութենէ կը մեռնիմ: Ելլեմ երթամ հօրս քով եւ ըսեմ իրենք.- Հայր, մեղանչեցի Աստուծոյ եւ քեզի դէմ. այլեւս արժանի չեմ քու որդիդ կոչուելու. զիս քու գործաւորներէդ մէկը նկատէ»: Ապա ելաւ եւ հօրը քով գնաց:

Տակաւին տունէն բաւական հեռու էր, երբ հայրը տեսաւ զինք ու գթաց. վազելով դիմաւորեց զայն, վիզին փաթօնեցաւ եւ համբուրեց: Որդին

հօրը ըսաւ. «Հայր մեղանչեցի Աստուծոյ եւ քեզի դէմ. այլեւս արժանի չեմ քու որդիդ կոչուելու:» Հայրը իր ծառաներուն հրամայեց. «Անմիջապէս բերէք լաւագոյն պատմունճանը եւ հագցուցէք իրեն. մատանի անցուցէք իր մատին եւ կօշիկ տուէք իրեն: Բերէ՛ք պարարտ հորթը, մորթեցէք, ուտենք եւ ուրախանանք: Որովհետեւ իմ այս զաւակս մեռած էր՝ ողջնցաւ, կորսուած էր՝ գտնուեցաւ»: Եւ սկսան խրախճանքի:

Մինչ այդ երէց զաւակը ագարակ կը գտնուէր: Վերադարձին, երբ տան մօտեցաւ, երգի ու պարի ձայներ լսեց: Կանչեց ծառաներէն մէկը եւ հարցուց թէ ի՞նչ կայ: Ծառան ըսաւ իրեն. «Եղբայրդ եկաւ, եւ որովհետեւ ողջ առողջ վերադարձաւ, հայրդ պարարտ հորթը մորթեց:» Երէց եղբայրը զայրացաւ եւ չուզեց ներս մտնել: Այս մասին իմանալով, հայրը դուրս ելաւ եւ աղաչեց որ ներս մտնէ: Իսկ անիկա պատասխանեց. «Տարիներէ ի վեր քեզի կը ծառայեմ. ոեւէ մէկ հրահանգդ չանտեսեցի, եւ սակայն նոյնիսկ ուլ մը չտուիր ինծի, որ ուրախանայի բարեկամներուս հետ: Մինչդէռ, երբ եկաւ այդ որդիդ, որ քու ստացուածքդ պոռնիկներուն հետ մսխեց, պարարտ հորթը մորթեցիր անոր համար»: Հայրը ըսաւ. «Տղա՛ս, դուն միշտ ինծի հետ ես եւ ամբողջ ունեցածս քուդ է: Սակայն հիմա պէտք է ուրախանանք եւ ցնծանք, որովհետեւ այս եղբայրդ մեռած էր՝ ողջնցաւ, կորսուած էր՝ գտնուեցաւ:»


Սուրբ Գրիգոր Լուսավորիչի մուտքը Խոր Վիրապ

Սուրբ Գրիգոր հայաստանեաց եկեղեցույ առաջին պաշտօնական հայրեպետը կը նկատուի որ Ոսկեդարու գրողներէն Ագաթանգեղոսի կողմէ նկարագրուած է իբր Քրիստոնէութիւնը հայ ժողովուրդին մօտ հաստատող եւ տարածող հիմնական դէմք: Անոր կրօնական աշխատանքը այնքան ազդեցիկ եւ որոշիչ եղած է որ ան նկատուած է իբր հայ ժողովուրդի «Հայր եւ Լուսավորիչ»:

Հայաստանեաց եկեղեցին տարին մի քանի անգամ կը յիշատակէ Սուրբ Գրիգորի անունը, հիմնուելով անոր կեանքի յատկանշական հանգրուաններուն վրայ: Այսպէս՝ Խոր Վիրապ մտնելը, Խոր Վիրապէն ելլելը եւ «Գիւտ նշխարաց»-ը:



Խոր Վիրապի վանք



Սուրբ Գրիգոր Լուսավորիչի Աջը

Շարական նուիրուած Սուրբ Գրիգոր Լուսավորիչի
Քրիստոսը դաւանող վկայ ճշմարիտ,
Բազմաշարշար նահատակ Գրիգոր Հայրապետ:
Տիրոջ շարշարանաց պակասը քու մարմնոյդ վրայ լրացուցիր
Որով կը ցնծայ Եկեղեցին Սիոնի որդւոց փառքով:

Աստուածային սիրով մեզի հոգեւոր ծնունդ տուիր,
Գորովագութ Հայր պանծալի, Գրիգոր Հայրապետ,
Մարմնիդ շարշարանքով մեզ մեղքի աղտէն մաքրեցիր,
Լուսաւոր քարոզութեամբդ որդիներ ծնար:

Նահատակութիւն Սուրբ քառասուն Մանկանց

313 թուին Հռոմէական աշխարհին Արեւելեան եւ Արեւմտեան թելերուն վրայ իշխող երկու կայսրերու՝ Կոստանդիանոսի եւ Լիկիանոսի հռչակած Միլանի հրովարտակով քրիստոնէութեան շնորհուած էր ամբողջական ազատութիւն եւ վերջ գտած էին հալածանքները. իսկ 323-ին Կոստանդիանոսը դարձած էր միակ իշխող կայսրը ամբողջ հռոմէական աշխարհին եւ քրիստոնէութիւնը հռչակած պետական կրօնք:

Կոստանդիանոս թէեւ միակ կայսրն էր այժմ, բայց իր շրջանին մէջ Լիկիանոս պահած էր իր ազդեցութիւնը եւ կը հրամայէր հարցաքննել բոլոր զօրականները եւ անոնք որ չընդունին աստուածներու պաշտամունքը՝ սպաննել: Այս ալիքը հասած էր նաեւ Կապադովկիա, Փոքր Հայք, ուր Լիկիանոսի բանակին մէջ քառասուն զինուորներ կը մերժէին ենթարկուիլ Լիկիանոսի հրամանին: Անոնք ազնուական ընտանիքներէ եկած, պարկեշտ, հայրենասէր, պատերազմներու ատեն իրենց քաջութեամբ եւ առաքինութիւններով ուշադրութեան եւ յարգանքի արժանացած ընտիր զինուորականներ էին: Լիկիանոս իր մօտ կանչելով զանոնք, գովաբանելով եւ մեծ յարգանքներ մատուցանելով բազմիցս փորձեց համոզել զանոնք որ հրաժարին իրենց քրիստոնէական հաւատքէն եւ արժանանան տակաւին աւելի մեծ տիտղոսներու եւ փառքի, բայց միշտ հանդիպեցաւ անոնց ժխտական պատասխանին: Զանոնք բանտ նետեց, չարչարեց. այդ չարչարանքներու ժամանակ քառասուն զինուորները կ'աղօթէին եւ Աստուծմէ կը խնդրէին որ փրկէ զիրենք: Յանկարծ լոյս մը կը ծագի բանտին մէջ եւ այդ լոյսին մէջ անոնք կը տեսնեն Քրիստոսը որ կ'ըսէ՝ «զօրացէք իմ քաջ նահատակներս, ասիկա ձեր պաքարին սկիզբն է, ով որ համբերէ յաւիտեան պիտի ապրի»:

Լիկիանոս կը շարունակէր զանոնք չարչարել, դատաւորներու առաջ տանիլ եւ պնդել

որ ուրանան իրենց հաւատքը: Միշտ նոյն մերժումը: Լիկիանոս նախ կը հրամայէ քարկոծել զանոնք քաղաքին հրապարակը. մոգական ոյժի մը ներկայութեամբ, իրարանցումը այնքան մեծ կ'ըլլայ որ քարկոծողները կը սկսին իրար քարկոծել եւ անմիջապէս կը հրահանգուի դարձեալ զանոնք բանտ առաջնորդել: Բանտին մէջ դարձեալ Աստուած կ'երեւի իրենց եւ կ'ըսէ՝ «ով որ Ինձի հաւատայ, թէեւ կը մեռնի բայց կ'ապրի»: Այս յաճախակի երեւումները աւելի կը զօրացնէ քաջ զինուորները եւ անոնք երբ դարձեալ ատեան կը տարուին կը պահանջեն որ Լիկիանոս որոշէ թէ ինչ պիտի ընէ, որովհետեւ իրենք պիտի չուրանան Քրիստոսը:

Լիկիանոս սաստիկ բարկացած եւ պարտուած կը հրամայէ զանոնք լիճին սառուցեալ ջուրերուն մէջ նետել որպէսզի սառին եւ տանջանքով մահանան: Այդպէս ալ կ'ընեն: Անոնցմէ մէկը չի դիմանալով սառուցին դուրս կուգայ եւ տաք բաղնիք մը կը մտնէ, որ սարքած էին դիտմամբ լիճին եզերքը, սակայն պաղէն յանկարծակի տաքի անցումը մահացու կ'ըլլայ զինուորին ու կը մահանայ: Գիշերը, երբ Լիկիանոսի զինուորները քնացած էին եւ միայն պահակ մը կը հսկէր լիճին մէջի նահատակուողներուն եւ կը լսէր անոնց աղօթքները, յանկարծ կը տեսնէ որ երկինքէն լուսաւոր շրջագիծով պսակներ կ'իջնեն եւ կը հանգչին սուրբերու գլխին: Հեթանոս պահակը յանկարծ տարօրինակ զգացում մը կ'ունենայ, չի դիմանար այդ ներքին ձայնին ու երկինքէն իջնող լուսապսակներուն, կը հանէ իր զգեստները եւ կը նետուի սառած ջուրերուն մէջ, դարձեալ ամբողջացնելով քառասուն թիւը:

Այս նահատակներուն յիշատակն է որ մեր եկեղեցին կը նշէ ամէն տարի, Սրբոց Քառասնից Մանկանց յիշատակութեան տօն անունով:

Մեծ պահքը երբեակ իմաստով Պարզ խօսքեր՝ պարզ հոգիներու համար Գարեգին Ա. Ամենայն Հայոց Կաթողիկոս

Հատուածներ

Մեծ պահքի քառասնօրեայ շրջանը եկեղեցույ հաւատացեալներուն համար հոգեկան վերանորոգութեան սքանչելի առիթ մըն է: Երբ անկա գիտակցօրէն ապրուի հոգեկան ազնուացման, եւ առհասարակ մարդ անհատի երջանկութեան ամենէն ազդու եւ բարերար միջոցը կը դառնայ:

Մեծ պահքը գիտակցօրէն ապրիլ՝ կը նշանակէ.-

1.- Աղօթքը դարձնել մեր կեանքի կեդրոնական առանցքը

Առաջին հերթին, աղօթել առանձնապէս տունին կամ ոեւէ այլ հանդարտ միջավայրի մէջ, ուր ինքնամփոփումի, առանձին ըլլալու, ինք իր խղճին հետ խօսակից դառնալու կարելիութիւնը կայ: Կ'անդրադառնա՞նք թէ մարդ իր աօրեայ կեանքին մէջ որքան գրաւուած է ուրիշներով...: Բայց անհրաժեշտ է որ երբեմն երբեմն ինք իր անձին հետ առանձին ըլլայ, եւ Աստուծոյ ամենատես աչքին ներքեւ, դիտէ ու քննէ ինքզինք:...

Խոկումի, ինքնանդարձումի, առանձնութեան, աղօթքի պահերուն, երբ ոչ ոք մեզի կը նայի, ոեւէ մէկու հետ կապ չունինք, երբ մեր աչքերը մեր անձերուն վրայ կը սեւեռենք, այն ատեն կը յաջողինք սրտբացօրէն, ճշմարտօրէն եւ ջիւղ յստակութեամբ մենք զմեզ տեսնել, ճանչնալ եւ սրբագրել կամ վերանորոգել:...

2.- Պահք բռնել

Աղօթելու հետ առընթեր եւ բացի աղօթելէ, անհրաժեշտ է պահք բռնել, ինչպէս ժողովրդական արտայայտութեամբ կ'ըսուի: Ի՞նչ կը նշանակէ պահք բռնել:...

Կրօնական ճշգրիտ եւ խորունկ իմաստով՝ պահքը այնպիսի արարք մըն է որ մարդը կ'առաջնորդէ ինքզինք կամատրապէս զրկելու որոշ զգայարանական, նիւթական հաճոյքներէ եւ ճոխութիւններէ: Առիթ կու տայ անոր մտածելու հոգեկան, բարոյական կեանքի մշակման մասին:...

Յիսուսի կեանքի պատկերին մէջ մենք կը տեսնենք որ Ան քառասուն օր անապատի մէջ առանձնացաւ, ինքզինք կերակուրներէ զրկեց, հոգեպէս զօրանալու համար: Աւետարանին մէջ մենք կը կարդանք թէ Ան պատուիրեց Իր հետետողներուն եւ ըսաւ որ պէտք է պահք բռնել բայց ո՛չ «ի ցոյց մարդկան», այլ ներքին ինքնամփոփումով, որպէսզի պահքը արժէք ստանայ եւ ծառայէ անձին վերանորոգութեան:...

3.- Բարիք գործել

Մեծ պահքի շրջանը գիտակցօրէն ապրիլ կամ գործնապէս իմաստաւորել կը նշանակէ ոչ միայն ներանձնական աղօթք ընել կամ պահք բռնել, այլ նաեւ որոշ գործեր կատարել, դրական արարքներ գործել, որոնց նպատակն է արդիւնքը բարիք ըլլան, եւ՝ ոչ թէ միայն անհատին, այլ իր նմանին, ուրիշին երջանկութեանը ծառայեն:

Հետեւաբար, Մեծ Պահք քառասնօրեայ շրջանը քրիստոնէաբար եւ հայօրէն ապրելու համար ունինք երեք գլխաւոր պարտաւորութիւններ.-

- 1.- Աղօթել՝ առանձնապէս եւ հաւաքաբար
- 2.- Պահք բռնել՝ ինքնազրկումի սկզբունքով
- 3.- Բարիք գործել՝ ծառայութիւններ մատուցանելով

Խաչբառ

	1	2	3	4	5	6	7	8	9	10	11
1						■	■		■		
2				■	■						
3					■				■		
4			■	■				■			
5			■	■					■		
6	■		■	■		■					
7		■					■				■
8					■	■		■		■	
9									■		
10					■						

Ուղղահայեաց

- 1- Ոչ իրական արտայայտություն- յանցաւորները հոն կը դրուին
- 2- Կենդանի պտտցնել- Գոյութիւն ունին
- 3- Աչքերուն կափարիչ - ետեւէն՝ թափանցիկ նիւթ
- 4- Ազնուականներու հող- Ետեւէն՝ գոյութիւն ունինք
- 5- Թուլնայ
- 6- Ստացիր- ետեւէն՝ չսիրել
- 7- Կարաս - Լեռ
- 8- Գիրերու հաւաքածոյ- գոյութիւն ունին- Ետեւէն՝ մատանիի զարդ կամ աղբիւր
- 9- Ծաշակ
- 10- Ուշանաս - ժխտական իմաստ կու տայ
- 11- Կատունները կը ձայնեն- հրաւեր

Հորիզոնական

- 1- Դաշտի ծաղիկ - դրացի գիրեր
- 2- այր մարդ- ունենալ
- 3- խոհանոցի առարկայ- տուրին հակառակը- հակառակէն տարի
- 4- Ետեւէն հայերէն գիր մը- պզտիկ տուն- գոյն մը
- 5- Ետեւէն եկուր- պատկեր- ետեւէն էական բայ
- 6- Լեցուն- համեմի բոյս մը
- 7- Չոքիլ- ետեւէն՝ կաթսայ կամ տղայ
- 8- փոս, խրամ- անձս
- 9- Ցատկոտող կենդանի- ետեւէն՝ չէ
- 10- Պզտիկ տուն- ստեղծող

Փետրուար
ամսուան պահուած
բառը՝ Ղեւոնդ

Ը

«Քրիստոնէութիւնը հոգետիրումն է աշխարհին եւ Գիթեղէնին վրայ»

Կ

Այս խօսքը մեկնակետ եւ սկզբունք առնելով է որ այս յօդուածներու շարքով կը կեդրոնանանք մեր Եկարագրի բարեպաշտ եւ օրինակելի գծերուն վրայ, այլ խօսքով՝ մեր առաքինութիւններուն վրայ, որոնց միջոցաւ միայն կրնանք Գիթական աշխարհէն բարձրանալով հասնիլ հոգետիրին:

«Քրիստոնէութիւնը հոգետիրումն է աշխարհին եւ Գիթեղէնին վրայ», եւ քրիստոնէային առաքինութիւններէն մէկն է ...

ա

Արիութիւնը

ր

Արին այն անձն է որ բնաւ չընկճուիր: Ընդհանրապէս համոզուած կ'ըլլայ իր նպատակով եւ հաստատուն համոզումներէ մղուած դէմ կը դնէ ամէն դժուարութեան գիտնալով թէ իր նպատակը տկարութիւն չի ճանչնար:

Արիութիւնը կը նշանակէ նաեւ ինքն իր վրայ իշխելու կարողութիւն, որովհետեւ արի անձը այն անձը չէ որ չի վախնար, այլ այն անձն է որ վախով հարդերձ, կը յաղթահարէ իր ներքին արգելքները ու ընթացքը կը շարունակէ:

ա

Արիութիւն կը նշանակէ քաջասրտութիւն, աներկիւղութիւն, մտային եւ զգայական ոյժ դիմադրելու դժուարութեան, փորձութեան, վտանքի:

Արի անձը կարող է ձերբազատուիլ անելորդ կասկածներէ եւ տատանումներէ որովհետեւ անվճռական այդ կեցուածքները կրնան իր վերջնական նպատակին հասնելու ընթացքը խանգարել:

ի

Արիութիւնը կը նշանակէ նաեւ վճռակամութիւն այսինքն հաստատ որոշում տալու կարողութիւն , հիմնաւորուած որոշում, դատողութեան ծնունդ առած որոշում որուն համար անձը յանձն կ'առնէ ամէն տեսակ վտանք եւ դժուարութիւն:

ր

ԱՐԻՈՒԹԻՒՆ

Արի ըլլալ կը նշանակէ...

... վտանգն ու արգելքները դիմագրաւել քաջութեամբ եւ կտրիճութեամբ

Աճծ մը որ ...արի է.- >

Վճռակամ է
սկզբունքի տէր է
ինք իր վրայ իշխող է
չընկճուող է
աներկիւղ է

Աճծ մը որ արի չէ.- >

Դիւրութեամբ կ'ընկճուի
Փորձութեան կ'ենթարկուի

Քաջն Վարդան

449 թուին Յազկերտ Բ. թագաւոր հրովարտակ մը հրատարակեց՝ իր պետութեան մէջ գտնուող բոլոր քրիստոնէաներուն հրահանգելով կրակապաշտ դառնալ: Ասիկա պատճառ եղաւ որ Հայոց մեծ նախարարները, բոլոր եպիսկոպոսները եւ բազմաթիւ երեցներ, եկեղեցույ Սուրբ Ուխտին հետ միասին հաւաքուին Արտաշատ քաղաքը եւ երկրին ամբողջ բազմութեան հաւանութեամբ մերժեն ենթարկուիլ Յազկերտի հրահանգին: Հայերը պատասխանեցին Յազկերտի նամակին այսպէս՝ «Այս հաւատքէն ոչ ոք կրնայ խախտել մեզ, ոչ հրեշտակները, ոչ մարդիկ, ոչ սուր եւ ոչ հուր, ոչ ջուր եւ ոչ ալ ոեւէ ուրիշ դառն հարուածներ»: 451 ին պարսկական բանակը 300,000 զինուորներով մտաւ Հայաստան եւ Աւարայրի մէջ բախեցաւ 60,000 հաշուղ հայկական բանակին, որուն հրամանատարն էր Քաջն Վարդան Մամիկոնեան:

- Ինչպէս կրնաս որակել Հայերու կեցուածքը
- Ինչ օրինակ կարելի է առնել այս պատմութենէն
- Պատահա՞ծ է որ սկզբունքներուդ տէր կանգնելու համար ինքզինքդ դնես վտանգաւոր կացութեան մը մէջ
- «Հայ եմ ես, Քաջ եմ ես, Քաջ Վարդանի թոռն եմ ես» ասացուածքը Հայոց ո՞ր նկարագիրը կը ցոլացնէ

Որպէսզի երբեք չուսալքուիք եւ չտկարանաք, մտածեցէ՛ք՝ թէ Յիսուս ի՞նչպիսի համբերութեամբ կրեց մեղաւորներու հակառակութիւնները:

Եբրայեցիներուն 12.3

Ընտանիքի մը համերաշխութեան եւ միաբանութեան ոյժը

Հայր մը խորհուրդ տուաւ իր որդիներուն որ սիրով եւ համերաշխ ապրին: Որդիները չլսեցին:

Օր մը հայրը հրամայեց ցախաւել մը բերել: Ցախաւելը տուաւ իր որդիներու եւ առաջարկեց կտորել զայն:

Որդիները շատ չարչարուեցան, բայց ցախաւելը չկրցան կտորել: Այն ժամանակ հայրը քակեց ցախաւելը եւ շիւղերը մէկ- մէկ տուաւ որդիներուն ու հրամայեց կտորել:

Որդիները դիւրութեամբ մէկ-մէկ կտորեցին իրարմէ այսպէս զատուած շիւղերը:

Հայրը դարձաւ ու ըսաւ որդիներուն.

- Այսպէս ալ դուք, եթէ համերաշխ ու միաբան ըլլաք, որ ոք պիտի կրնայ յաղթել ձեզի, իսկ եթէ կռուիք, խռովիք իրարմէ՝ դիւրին պիտի ըլլայ ձեզ մէկ-մէկ կտորել:

Հարցումներ, խօսակցութեան նիւթեր . -

- 1- Ինչո՞ւ որդիները չկրցան կտորել ցախաւելը:
- 2- Անոնք ե՞րբ միայն կրցան կտորել զայն:
- 3- Ի՞նչ նպատակով հայրը իր որդիներուն ցախաւելի օրինակը տուաւ:
- 4- Պատմեցէ՛ք թէ ի՞նչ գիտէք մարդոց միջեւ համերաշխութեան եւ միաբանութեան մասին: Այս առաքիճութիւնները ի՞նչ բարիքներ կու տայ մարդոց:

Աղօթք խնդրանքներու կատարման համար

Քու դիմացդ ծունկի եկած, ամբողջ սրտով կ'աղաչենք եւ գթութիւնդ կը հայցենք, բարերար եւ բազումողորմ Աստուած: Ինչպէս քու ծառաներուդ խոստացար՝ ըսելով. «Ինչ որ հաւատքով խնդրէք Հօրմէն՝ Որդիին անունով, պիտի տրուի ձեզի», այս պահուն շնորհէ՛ եւ իրենց բարի կատարումին հասցուր քեզի հաւատացողներուս խնդրանքները, որովհետեւ քեզի՛ ապաւինած ենք: Քու առատ ողորմութեամբդ մխիթարէ՛ մեզ այս կատեճին մէջ, եւ առաջորդելով՝ երկինքի անպատմելի արքայութեանդ հասցուր, որպէսզի ամենասուրբ Երրորդութիւնդ փառաբանուի եւ պատուընդի. այժմ եւ միշտ եւ յաւիտեանս յաւիտենից: Ամէն:

Չարչարանքներու մէջ հաւատքի զօրութիւն եւ համբերութիւն խնդրելու աղօթք

Սուրբ Գրիգոր Լուսաւորիչ

Որդի Աստուծոյ, այս նեղութեան ցաւերուն մէջ տոկալու զօրութիւն տուր եւ ողորմէ՛ ինձի, ինչպէս ողորմեցար խաչելութեան ատեն քեզի խաչակից աւազակին: Ծնորհք տուր նաեւ՝ որ համբերեմ այս դառն տանջանքներուն, որպէսզի ե՛ս ալ արժանի ըլլամ պահելու մեր լուսաւոր հաւատքին աւանդութիւնը, որ ինձի տուիր՝ որպէսզի ճանչնամ եւ կատարեմ քու կամքդ:

Արդ, Տէր բարերար, դուն որ ըսիր. «Ես միշտ ձեզի հետ պիտի ըլլամ, մինչեւ աշխարհի վախճանը», մի՛ լքեր զիս, զօրացուր քու կամքիդ մէջ, որպէսզի կարենանք այս պատերազմին տոկալ քու մեծ անուցիդ համար. որպէսզի հաւատքի մեր պարծանքը յայտնուի քու ծառաներուդ եւ քեզ ճանչնան իբրեւ Տէր եւ Աստուած:

Դուն, մարդասէր, քու արդարներուդ խումբին խառնէ մեզ եւ զօրութիւն տուր՝ որ պատերազմինք եւ ի հարկին մեռնինք քու ճշմարտութեանդ եւ անուցիդ համար, եւ դարձեալ փառքով նորոգուինք՝ երբ վերստին առաքես իւրաքանչիւրին հատուցումներու բաշխիչը՝ մեր Տէր Յիսուս Քրիստոսը. որպէսզի զուարթ երեսով կանգնինք անոր դիմաց եւ յաղթանակի պսակը առնենք քեզ սիրողներուն հետ միասին:

Ամենակալ Տէր, դուն որ փառքով կը պսակես քեզի յուսացողները եւ կը կատարես քեզմէ վախցողներուն փափաքը, զիս արժանի ըրէ, Տէր, որ քու վրադ իմ յոյսս պահեմ, եւ համբերութիւն տուր որ իմ ընթացքս կատարեմ այս նեղութեամբ, որուն մէջ կը գտնուիմ:

Դուն՝ որ մեր ցաւերը կը բժշկես, սրտաբեկները կ'առողջացնես, նեղեալները կը հանդարտեցնես, կապուածները կ'արձակես, սգաւորները կը մխիթարես, անյոյսներուն յոյս կու տաս, խռովածներուն՝ հանգիստ եւ յոգնածները նաւահանգիստ կը հասցնես, դուն՝ որ սիրով կը նայիս քու արարածներուդ եւ քու քաղցրութեամբդ կը կերակրես բոլորը, տուր ինձի, Տէր, որ ե՛ս ալ պսակը առնեմ բոլոր անոնց հետ՝ որոնք արժանի ըրիր քու անուցիդ համար մեռնելու փառաւոր մահուամբ. որպէսզի ե՛ս ալ արժանի ըլլամ յափշտակուելու քու սիրելի Որդիիդ դիմաւորութեան, երբ գայ իր ճառագայթող լոյսին մէջ առնելու սրտանց իրեն փափաքողները, եւ ճշմարտութեամբ դատելու ամբողջ տիեզերքը իր բարկութեան կրակով: Փառք քեզի, Որդիիդ եւ Սուրբ Հոգիիդ հետ միասին, յաւիտեանս յաւիտեանից: Ամէն:

Փետրուար ամսուան պատասխանողներ եւ մասնակցողներ

Մանկապարտէզի անկիւն

Տիրոջ, նուիրուի, տատրակ, աղանիի, Սիմոն, Սուրբ Հոգին, Օծեալը, Յիսուսը, գոհաբանեց

Նախակրթարան Ա. Բ. Գ.անկիւն

1. գ. Սինա
2. ա. Ս. Աննա
3. բ. ատաղձագործ
4. ա. Հրէաստանի
5. բ. եօթանասուն անգամ եօթը
6. բ. Բարի կեանք
7. գ. Սնտուկ
8. Աստուածդ, սրտովդ, հոգիովդ
9. գ. 301
- 10.գ. Վարդանանք

Նախակրթարան Դ. Ե. Զ.անկիւն

1. գ. Յունուար 31
2. ա. Օրհնեալ է յայտնութիւնը Քրիստոսի կամ բ. Զեզի եւ մեզի մեծ Աւետիս
3. բ.Միքա
4. դ.17
5. չարիք, բարին, արդարութեան, չարչարուիք
6. գ. իր որդին Իսահակը զոհել
7. բ. 454
8. բ. 23 Փետրուար
9. 29, Արտաքսման
- 10.Անառակին

Երկրորդականի անկիւն

1. Քաղկեդոն
2. Նուարսակ
3. Փետրուար 14
4. Առաջաւորաց պահք
5. Առաջաւորաց Պահքի առաջին 4 օրերը
6. Յովնան մարգարէի
7. 381
8. 40
9. 1780
- 10.Աւետարանն, Եկեղեցի

Ընդհանուրին անկիւն

- 1- Համազասպ
- 2- խրատը սիրողը իմաստութիւնն ալ կը սիրէ
- 3- Պահքի նպատակն է հոգիի մաքրագործումը, ճոխութենէ զրկուիլը եւ ինքնաքննութիւնը
- 4- Վարդանանցի առթիւ
- 5- Բոլոր սերունդներուն համար
- 6- փերեզակը շրջուն վաճառական մըն է
- 7- Կորսուած ոչխարը
- 8- ձեռք սրբելու փոքր անձեռոց է
- 9- զաղաշանս իմ
- 10- բանահիսութիւն

Փետրուար ամսուան մասնակցողներ

Մանկապարտէզ

Ճեսիքա Մատթէոսեան

Անսխալ պատասխանողներ

Սեակ Պապիկեան, Կարօ Պալուզեան, Թաթիանա Քէհէեան, Արին Անթեպեան, Ռիթա Խշիշեան, Յուլեր Անթեպեան:

Նախակրթարան Ա.Բ. Գ. անկիւն

Նաթալի Սեթեան, Հրայր

Մատթէոսեան, Մհեր Մատթէոսեան:

Անսխալ պատասխանող

Առէն Պապիկեան, Ալէք Կարապետեան Զոհրապ Կարապետեան, Ռիթա Գոճաօղլանեան

Նախակրթարան Դ.Ե.Զ. անկիւն

Լորա Սարիմանուկեան, Քրիստինա Կարապետեան, Գօգօ Մատթէոսեան

Երկրորդականի անկիւն

Լոռի Քէօսէյեան, Կարօ կարապետեան, Թամար Գիզիրեան, Փօլ Գիզիրեան:

Ո՞րն է ճիշդ պատասխանը
Մանկապարտեզի անկիւն



**Յիսուսի յաղթական մուտքը Երուսաղէմ «Այս տարի
Ծաղկազարդը Ապրիլ --- ին է:»**

Ամբողջացո՛ւր ըստ Յովհաննէս 12.12- 15

**Զատիկի, Երուսաղէմ, Յիսուս, արմաւենիի, Ովսաննա՛, Տիրոջ, Սուրբ,
աւանակի**

Յաջորդ օրը, ժողովուրդի մեծ բազմութիւն մը, որ ----- տօնին
առիթով ----- եկած էր, երբ լսեց թէ ----- Երուսաղէմ կու գայ,
----- ճիւղեր առաւ եւ Յիսուսը դիմաւորելու ելաւ, բարձրաձայն
աղաղակելով .

*«-----, օրհնեա՛լ ըլլայ ան՝ որ կու գայ ----- անունով,
Իսրայէլի թագաւորը»*

Յիսուս էջ մը գտնելով՝ նստաւ անոր վրայ, ինչպէս որ ----- գիրքերուն մէջ
գրուած է.-

*«Մի՛ վախճար, ո՛վ Երուսաղէմ, Սիոնի՛ աղջիկ. ահա թագաւորդ քեզի
կու գայ իշու մը ----- վրայ նստած»:*

Աւելի գէշ կոյր չկայ քան այն որ չ'ուզեր տեսնել

Ո՞րն է ճիշդ պատասխանը
Նախակրթարան Ա. Բ. եւ Գ. դասարաններու անկիւն

1. Այս տարի Մեծ Պահքը ե՞րբ սկսաւ:

- Ա. 11 Ապրիլին
- Բ. 23 Փետրուարին
- Գ. 20 Փետրուարին
- Դ. 5 Մարտին

6.- Վարդանանց պատերազմին հայկական բանակը քանի՞ հոգի էր:

- ա.- 10 000
- բ.- 60 000
- գ.- 50 000
- դ.- 300 000

2. Որո՞նք ներկայ էին Վերջին ընթրիքին:

- Ա. Աշակերտները
- Բ. Փարիսեցիները
- Գ. Հիւանդները
- Դ. Զինուորները

7.- Աստուած աշխարհը քանի՞ օրէն ստեղծեց:

- ա.- հինգ օրէն
- բ.- եօթը օրէն
- գ.- վեց օրէն
- դ.- մէկ օրէն

3. Յիսուսի հետ քանի՞ հոգի խաչուեցաւ:

- Ա. 1
- Բ. 2
- Գ. 3
- Դ. 4

8.- Ի՞նչ եղաւ Ադամ եւ Եւայի պատիժը:

- ա.- իմաստութեան ծառէն չուտել:
- բ.- դրախտէն դուրս վտարուեցան:
- գ.- առանց աշխատելու ճաշ ապահովել:
- դ.- օրական երեսուն անգամ աղօթել:

4. Յիսուս իր խաչելութենէն քանի՞ օր ետք յարութիւն առաւ:

- Ա. 4
- Բ. 3
- Գ. 2
- Դ. 1

9.- երբ կը տօնենք Բուն Բարեկենդանը:

- ա.- մեծ պահքէն առաջ:
- բ.- մեծ պահքէն վերջ:
- գ.- մեծ պահքի կէսին:
- դ.- Ծնունդին յաջորդող շաբաթը:

5. Ո՞վ մատնեց Յիսուսը:

- Ա. Պիղատոս
- Բ. Յակոբ
- Գ. Յուդա
- Դ. Մարկոս

10.- Յիսուսի աշակերտներէն քանի՞ հոգի ներկայ եղան իր այլակերպութեան:

- ա.- տասներկու
- բ.- հինգ
- գ.- երեք
- դ.- չորս

Ո՞րն է ճիշդ պատասխանը

Նախակրթարան Դ. Ե. եւ Զ. դասարաններու անկիւն

1 .- Յիսուսի հետեւողները առաջին անգամ ըլլալով ո՞ր կոչուեցան քրիստոնեաներ: (Առաքեալներու գործերը 11.26)

- ա.- Երուսաղէմ
- բ.- Հայաստան
- գ.- Անտիոք
- դ.- Սուրիա

2.- Ո՞ր հերոսն է որու անունով կը կոչուի այն պատերազմը որուն ընթացքին ինք նահատակուեցաւ:

- ա.- Յովհաննէս
- բ.- Վարդան
- գ.- Անդրանիկ
- դ.- Քրիստոս

3.- Ո՞վ ըսած է «Մարդ միայն հացով չ'ապրիր այլ»:

- ա.- Աստուած
- բ.- Մովսէս
- գ.- Յիսուս
- դ.- Յովհաննէս

4 .- Ծարգալոյցը կը կոչենք նաեւ:

- ա.- պատարագ
- բ.- խթում
- գ.- տաղաւար
- դ.- շարական

5.- Ո՞ր թուականին երոպայի քրիստոնեայ հայրապետները որոշեցին Ս. Ծնունդի օրը փոխել 6 Յունուարէն 25 Դեկտեմբերի:

- ա.- 451
- բ.- 521
- գ.- 378
- դ.- 350

6.- Հայերս ինչու՞ չհետեւեցան այդ որոշումին:

- ա.- որովհետեւ չէին մասնակցած Քաղղկեդոնի ժողովին եւ հետագային մերժեցին այդ ժողովին որոշումները:
- բ.- Ժողովուրդը չէր ուզեր թուականը փոխել:
- գ.- Որովհետեւ 6 Յունուարը հայ հեթանոսական տօն մըն էր:

դ.- Որովհետեւ հայերը ուզեցին յատուկ ըլլալ այդ օրը պահելով:

7.- Խաչակնքումի միջոցին մեր երեք մատները միացած մեր ճակատ տանիլը կը նշանակէ:

- ա.- Յիսուսի այս աշխարհի կեանքը:
- բ.- Յիսուսի այս աշխարհի նախորդող կեանքը:
- գ.- Յիսուսի խաչելութիւնը:
- դ.- Յիսուսի յարութիւնը:

8.- Ի՞նչ էր Իսահակի երկրորդ զաւակին անունը:

- ա.- Մովսէս
- բ.- Յովսէփ
- գ.- Յակոբ
- դ.- Յեսու

9. Ամբողջացո՞ւր հետեւեալ բառերով: **Մոմավառութիւն. Մաս. Խնկարկութիւն. Մեծ Պահք. Նշխար. Երկրպագութիւն.**

ա.-Կը գործածուի Ս.Պատարագի ընթացքին որպէս Հաղորդութիւն:

բ.-Սպիտակ բարակ հաց .բաղարջ:

գ.-Բարեպաշտական սովորութիւն եւ հոգեւոր ապրումի տեսանելի արտայայտութիւն:

դ.- Եկեղեցական արարողութեան ընթացքին յաճախ կը կատարուի:

ե. -Բարեպաշտական սովորութիւն մը Աստուծոյ նկատմամբ մեր ունեցած յարգանքին որպէս արտայայտութիւն:

զ.- Բուն բարեկենդանէն մինչեւ Զատիկ զղջումի, ինքնաքննութեան եւ ապաշխարութեան շրջան:-----

10.-Ծարէ՛ յաջորդականութեամբ Մեծ Պահքի Կիրակիները:

- | | |
|---------------|---------------------|
| --- Գալստեան | ----Տնտեսին |
| ----Անառակին | -1- Բուն Բարեկենդան |
| ----Արտաքսման | ---- Ծաղկազարդ |
| ----Դատաւորին | --8-- Զատիկ |

**Ո՞րն է ճիշդ պատասխանը
Երկրորդականի անկիւն**

1- Միջինքը ո՞ր Կիրակիին կը յաջորդէ :

2- Արտաքսման Կիրակիին յաջորդող 3 կիրակիները կը կոչուին Յիսուսի 3 առակներու անունով: Ի՞նչ կը կոչուին այդ Կիրակիները «պահել կարգը»:

3-Վերեւ նշուած Առակները կը յիշուին միայն մէկ Աւետարանի մէջ: Ո՞րն է այդ Աւետարանը

4-Քանի՞ տուներէ կը բաղկանայ «Հաւատով Խոստովանիմ» աղօթքը:

5-Ո՞վ գրած է «Հաւատով Խոստովանիմ» աղօթքը:

6- Ո՞ր դարուն գրուած է «Հաւատով Խոստովանիմ» աղօթքը:

7- Գրէ՛ «Հաւատով Խոստովանիմ» աղօթքին 11րդ տունին առաջին 3 բառերը:

8- Գրէ՛ «Հաւատով Խոստովանիմ» աղօթքին 15րդ տունին առաջին 3 բառերը:

9- Գրէ՛ «Հաւատով Խոստովանիմ» աղօթքին 7րդ տունին առաջին 2 բառերը:

10- Գրէ՛ «Հաւատով Խոստովանիմ» աղօթքին 8րդ տունին առաջին 2 բառերը:

Ո՞րն է ճիշդ պատասխանը Ընդհանուրի անկիւն

1- Հետեւեալներէն ո՞ր մէկը սպաս մը չէ.-

- ա- Սկիւր
- բ- խունկ
- գ- քշոց
- դ- աշտանակ

2- Ըստ առածին «Դիմակաւոր բարեկամը աւելի վտանգաւոր է քան...».-

- ա- անդիմակ թշնամին
- բ- դիմակաւոր թշնամին
- գ- դիմակաւոր դրացին
- դ- անդիմակ դրացին

3- Ըստ Սաղմոս 15[14]-ին «Տէր ո՞վ արժանի պիտի ըլլայ սուրբ լեռանդ վրայ ...»

- ա- տուն շինելու
- բ- բարձրանալու
- գ- բնակելու
- դ- կանգնելու

4- Հրատապ ցիւթը.-

- ա- այժմէական է
- բ- անմիջապէս պէտք է լուծել
- գ- հրամայական
- դ- վերի բոլոր պատասխանները ճիշդ են

5- Ո՞ր մէկը կարելի է նկատել հայ ազգի առաջին հայրապետը.-

- ա- Գրիգոր Նարեկացի
- բ- Գրիգոր Լուսաւորիչ
- գ- Մեսրոպ Մաշտոց
- դ- Խրիմեան հայրիկ

6- Հայրը, Որդին եւ Սուրբ Հոգին կը կոչուին Գաւ.-

- ա- Եկեղեցոյ սրբութիւններ
- բ- Սուրբ Երրորդութիւն
- գ- դաւանանք
- դ- եկեղեցական ողջոյններ

7- Ո՞ր գիտութեան նպատակն է հիմնաւորել եւ ապացուցանել աստուածային յայտնութեան ճշմարտութիւնը.-

- ա- Փիլիսոփայութիւն
- բ- բանասիրութիւն
- գ- դիցաբանութիւն
- դ- աստուածաբանութիւն

8- Սուրբ պատարագի ընթացքին արտասանուող «Ընկալ, կեցո եւ ողորմեա» բառերը կը նշանակեն.-

- ա- Լսէ, ապրիր եւ ողորմէ
- բ- Լսէ, պաշտպանէ եւ ողորմէ
- գ- Ընդունէ, պահպանէ եւ ողորմէ
- դ- Ընդունէ, ապրիր եւ ողորմէ

9- Ըստ ժողովրդական երգին, «Ալագեազ սարն ...» .-

- ա- ամպել ա
- բ- տրտմել ա
- գ- փռուել ա
- դ- սառել ա

10- Երկու եղբայրներու կիներ զիրար կը կոչեն.-

- ա- հարս
- բ- ներ
- գ- քեռկիւն
- դ- զարմիկ

Կարճ Լուրեր

• Նուիրատուիւթիւն

Շնորհակալութեամբ ստացանք **Տէր Եւ Տիկին Բարգէն Թօփճեանէն** 24 օրինակ «Փամագիրք Մեծի պահոց Արեւագալի եւ Հսկումի» առ ի գնահատանք Կիրակնօրեայ Դպրոցի աշակերտներուն «Հաւատով Խոստովանիմ» աղօթքի արտասանութեան Ս. Յակոբ Մայր Եկեղեցւոյ Չորեքշաբթի օրերու հսկումի արարողութեան ընթացքին: Փամագիրքերը տրուեցան մասնակցող աշակերտներուն:

• Ամէն Շաբաթ օր երեկոյեան ժամը 7:00 ին **Աստուածաշունչի**

Սերտողութիւն Երիտասարդներուն համար Ս. Յակոբ Մայր Եկեղեցի:

• Դասախօսութիւն «Ազգային Սահմանադրութիւն» Հինգշաբթի, **Մարտ**

18 2004 ի երեկոյեան ժամը 8:00 ին **Ա. Ահարոնեան Սրահ**

«Մաշտոցի Արձագանգ»ի Խմբագրական կազմ
Խմբագիր՝ Շաղիկ Պոյաճեան
Աշխատակիցներ՝ Յասմիկ Նաճարեան, Երան Լոշխաճեան, Գարուիկ Գէպթանճեան, Նիկոլ Դանիէլեան եւ Թորոս Պապիկեան:

«Ճաշու աւետարան»ը
Կը գտնուի նաեւ համացանցի (internet) վրայ: Այցելեցէ՛ք www.sourphagop.org, ձախ կողմի կոճակներէն «Ճաշու աւետարան»ը ձեզ կ'ուղղէ դէպի ամսուան իւրաքանչիւր օրուան Ճաշու Աւետարանի հատուածները...

«ՄԱՇՏՈՑԻ ԱՐՁԱԳԱՆԳ»ը
Կը գտնուի նաեւ համացանցի (internet) վրայ: Այցելեցէ՛ք www.sourphagop.org, ձախ կողմի կոճակներէն «Պարբերաթերթ»ը ձեզ կ'ուղղէ դէպի ներկայ եւ նախկին թիւերը...

Սուրբ Յակոբ Հայց. Առաք. Մայր Եկեղեցւոյ Կիրակնօրեայ դպրոցի կամաւոր խմբակը.- Ուսուցիչներ՝ Իզապէլ Քուլլութեան, Սալբի Բակլաեան, Վերժին Գէպթանճեան, Վերա Կարապետեան, Երան Լոշխաճեան, Գարուիկ Գէպթանճեան, Յասմիկ Նաճարեան, Շողիկ Նաճարեան, Աշխէն Իշխանեան, Յասմիկ Գանաճեան, Տնօրէն՝ Թորոս Պապիկեան, Կալքէջ՝ Բաֆֆի Պապիկեան, Լուսանկարիչ՝ Նիկոլ Դանիէլեան, Պարբերաթերթ՝ Շաղիկ Պոյաճեան: